

Uumasunut nakorsaatit pillugit Namminersornerullutik Oqartussat nalunaarutaat

Nakorsaatit pillugit inatsisartut peqqussutaanni nr. 1-imi 12. maj 2005-imeersumi § 18, imm. 3, § 24, imm. 4, kiisalu § 25, imm. 2 aamma 3, naapertorlugit aalajangersarneqarput:

Atuuffissaa

§ 1. Nalunaarummi matumani malittarisaliuunneqarput uumasut nakorsaasa inuutissarsiutigalugu uumasuutigisanik nakorsaasersuisinnaanerat, tamatumunnga ilanngullugit uninngatitsigallartarnermut piffissaliussanut nakkutilliinermilu iliuusissanut maleruagassat.

Nalunaajarneqarneri

§ 2. Nersutaatit imatut paasineqassaaq uumasoq ataaseq imaluunniit uumasoqatigiit ataatsimoortut aalajangersimasumik siunertaqarluni inuussutissarsiornermi atorneqartut, nunap immikkoortuani aalajangersimasumiittut piginnittullillu.

Imm. 2. Uumasunik piginnittoq imaluunniit nersutinik piginnittoq imatut paasineqassaaq inatsisit tunngavigalugit inuttulluuunniit uumasummik nersutaatinilluunniit piginnittutut akisussaasuusoq.

§ 3. Bakterianut akiuussutissaq imatut paasineqassaaq nakorsaatit bakterianut akiuussutissamik akoorutissanillu katsorsaassutaasartunik imaqtartut.

§ 4. Uumasunut nakorsaataasiviit imatut paasineqassaaq nakorsaataatit, uumasut nakorsaannit innersuussineq naapertorlu uumasunut aalajangersimasunut nersutaatinilluunniit atorneqarnissaat siunertaralugu nersutaatinik piginnittumit inummilluunniit allamit toqqortaatigineqartut.

Nakorsaatit tigummigallartitsinissamik piffissaliiffiusussat

§ 5. Nakorsatinik tigummigallartitsinissamik piffissaliiffiusussanik atuinermi uumasuutit taakkunanngalu tunisassiat tigummigallarneqarnissaat pillugit uumasut nakorsaat uumasutilimmut imaluunniit nersutautilimmut allakkatigut ilitsersuusiussaaq.

Imm. 2. Tigummigallartitsinissamik nalunaarummi paassisutissat makku takuneqarsinnaassapput:

- 1) nappaatip suussusersinera,
- 2) uumasut suut, uumasullu qassit katsorsarneqarnersut (paatsoorneqarsinnaanngitsumik sorliussiliinerit imaluunniit tamanna ajornassappat amerlassutsit, oqimaassusiisa missiliorneri aamma uumasuusiviup immikkoortortaa imaluunniit assingusumik immikkoortiterisimaneq),
- 3) uumasut nakorsata ulloq katsorsaaffia,
- 4) nakorsaat atorneqartoq,
- 5) nakorsaatip annertussusiliivigineqarnera qanorlu ilillugu nakorsaasersuutigineqarnera, aamma

6) tigummigallartitsinissaq pillugu nalunaarummi piffissaliussat.

Imm. 3. Uumasunut nakorsaatitut tunisassiaq pillugu allagartami akuerisaasumi annertussusiliussassatut taaneqartumit annertunerusumik nakorsaammik uumasuutinut atuinermi uumasut nakorsaat tigummigallartitsinissamik naleqquttumik sivisunerusumik piffissaliissaq, nakorsaatit timimi amiakkuusut tigummigallartitsinissamut piffissaliussaq qaangiuppat annertunerpaaffissaattut killiussamik qaangiisimannnginnissaat qulakkeerniarlugu.

§ 6. Nakorsaat pineqartoq uumasunik pineqartunik tigummigallartitsinissamut piffissaliiffiusimannngippat uumasunut katsorsarneqartunut neqaannillu tunisassiassanik nerisassiassatulluunniit aalajangiussaasunik tigummigallartitsinissamut uumasut nakorsaat piffissaliissaq. Tigummigallartitsinissamut piffissaliussaq, taamaattorli tak. imm. 2, sivikinnerpaamik:

- 1) toqoraanissaq sioqqullugu ullunik 28-nik sivissuseqassaaq,
- 2) immuk tuniniarneqalertinnagu ullut unnuallu 7-t ingerlaqqassaapput,
- 3) manniit tuniniarneqalertinnagit ullut unnuallu 10-t ingerlaqqassaapput,
- 4) aalisakkat tuniniarneqalertinnagit ullut kiassusillit 500-t ingerlaqqassaapput, assersuutigalugu ullut 100-t imeq 5°C-mik kiassuseqartillugu.

Imm. 2. Imm. 1-mi tigummigallartitsinissamut piffissaliussat eqqarsaatigalugit taakku nul-umut inissinneqassapput, uumasunut nakorsaatit akiuussutissapajaatut sunniutillit akuutissaat sunniuteqartussat kimittussutsimikkut annerpaamik millionerarterummik annertussuseqarpata.

§ 7. Uumasut tigummigallartitsinissamut piffissaliinermut ilaatinneqartut toqunneqartariaqartullu toqoraavimmut aatsaat tunniunneqarsinnaapput uumasut nakorsaanit toqoraqqusinermik nalunaarummik ilaqtinnejqarpata.

Nakorsaatit timimi amiakkuusut aamma tigummigallartitsinissamut piffissaliussat

§ 8. Nakorsaatit annerpaaffissatut killiliussaasimasut qaangerlugit uumasut timaanni amiakkoqartut paasineqarpata, tamatumunnga patsisaasoq paasiniarlugu uumasuni pinngorfiusoq imaluunniit uumasuutini nersutit pinngorfigisimasaanni erseqqinnerusumik misissuineq nakkutiliinerlu uumasut nakorsaanerata aallartissavaa.

Imm. 2. Uumasut uumasuutiniit peerneqarnissaat, piffissamiluunniit erseqqinnerusumik aalajangiussaasumi uumasunit pineqartunit suliffeqarfimmilliunniit tunisassiat peerneqarnissaat pillugu uumasut nakorsaanerata inerteqqummik nalunaaruteqarsinnaavoq.

Imm. 3. Nerisassiat isumannaatsuunissaat pisariaqartinneqarpata, imm. 1-mi misissuinissaq taaneqartoq tunngavigalugu uumasut nakorsaanerata uumasut pineqartut erseqqinnerusumik taaneqartumik sivissusilimmik tigummigallarneqarnissaat aalajangiussinnaavaa.

§ 9. Uumasumut nakorsaatip atorneqareernerata kingorna tigummigallartitsinissamut piffissaliussatut aalajangiussaq suli qaangiussimannngitsoq uumasunik toqoraavimmi pasitsaanneqarpata, toqoraanissaq kinguartinneqassaaq tigummigallartitsinissamut piffissaliussap qaangiunissaata tungaanut, takuulli imm. 2.

Imm. 2. Uumasup toqunneqarnissaata kinguartinissaanut toqoraavik periarfissaqanngippat, imaluunniit uumasup atugarissaarnissaata pisariaqartippagu, tigummigallartitsinissamut piffissaliussap qaangiunnissaa sioqqullugu uumasup toqunneqarnissaata uumasut nakorsaanerata aalajangiussinnaavaa. Taamaattoqartillugu timaa igitassartaalu tigummigallarneqassapput, erseqqinnerusumik misissuisoqareernissaata tungaanut.

Nakorsaatinik inatsisitigut akuerisaanngitsunik katsorsaaneq

§ 10. Nakorsaatinik inatsisitigut akuerisaanngitsunik katsorsaasoqartoq paasineqarpat, imaluunniit tamatumunnga tunngavissaqartumik pasinartoqarpat, erseqqinnerusumik misissuinissat pisariaqartut uumasut nakorsaanerata aallartissavai, aamma makku ilanngullugit:

- 1) nakorsaatit timimi amiakkoqarnerannut patsisaasut kiisalu nakorsaatit inatsisitigut akuerisaanngitsut katsorsaatigineqarsimasut annertussusigiunnagaat paasiniarlugit uumasuutini aallaaviusuni misissuineq, aamma
- 2) nakorsaatit pineqartut aallaaviat aallaaviiluunniit pillugit misissueqqissaarneq.

Imm. 2. Misilgitissanik uumasut tigusiffigineqartut erseqqissumik nalunaqaqtserneqassapput imaluunniit sorliussusersineqassapput. Qanoluunniit pisoqaraluarpat misissuinermi inernerit tiguneqartinnagit uumasuutinit qimagutsinneqannginnisaat nersutaatinik piginnittup akisussaaffiga.

Imm. 3. Nakorsaatinik inatsisitigut akuerisaanngitsunik katsorsaasoqarsimasoq paasineqarpat uumasut pineqartut ingerlaannartumik toqunneqassapput uumasullu nakorsaanerata innersuussinera naapertorlugu suujunnaarsinneqassallutik. Uumasup toqunneqarnissaanut suujunnaarsinneqarnissaanullu, aamma toqoraavimmut, ikuallaavimmut assigisaanulluunniit assartorneqarnissaanut akisussaaffik taakkununngalu aningaasartuutit nersutaatinik piginnittup isumagisassarai.

§ 11. Uumasup nakorsaammik inatsisitigut akuerisaanngitsumik katsorsarneqarsimaneranik toqoraavimmi pasitsaassisooqarpat, pasitsaassineq taanna toqoraavimmi pisortat qullersaata uumasut nakorsaanerannut ingerlaannartumik nalunaarutigissavaa, taannalu erseqqinnerusumik iliuusissanik inassuteqassaaq, aamma ilanngullugit immikkut ittumik toqoraasoqassanersoq, uumasup timaanik igitassartaanillu tigummigallartitsisoqassanersoq imaluunniit misissugassanik tigusisoqassanersoq.

Uppernarsaaneq

§ 12. Uumasuutinik piginnittoq imaluunniit nersutaatinik piginnittoq nakorsaatinik tigummigallartitsinissamut piffissalersuinertalinnik atuiguni katsorsaanernut tamanut ullut tamaasa nalunaarsuisassaaq:

- 1) Uumasut sorliit qanolu amerlatigisut katsorsarneqarnersut (paatsoorneqarsinnaanngitsumik sorliussiliinerit imaluunniit tamanna ajornassappat amerlassutsit, oqimaassusiisa missiliorneri aamma uumasuusiviup immikkoortortaa imaluunniit assingusumik immikkoortiterisimaneq).
- 2) Katsorsaanerup ulloq aallartiffia naammassineqarfialu.
- 3) Katsorsaanermut patsisaasoq.
- 4) Nakorsaat suna atorneqarnersoq.
- 5) Nakorsaammik annertussusiliineq qanolu taanna tunniunneqassanersoq.
- 6) Katsorsaaneq kimit ingerlanneqarsimanersoq.

Imm. 2. Nalunaarsuinerit imm. 1-mi taaneqartut tamaasa ataatsimoortillugit takoriaannanngorlugillu sivikinnerpaamik ukiuni tallimani uumasuutinik piginnittup nersutaatinilluunniit piginnittup tigummissaavai, kiisalu piumaffigineqarnikkut uumasut nakorsaanut uumasulluunniit nakorsaanerannut takutittussaallugit tunniuttussaallugilluunniit.

Misissuineri aningaasartuutit

§ 13. Uumasunut nakorsaatit atorneqarnissaat pillugit malittarisassanik malinninnginneq misissuinermi paasineqarpat aningaaasartuutit tamaasa uumasuuteqartup nersutaateqartulluunniit akilissaavai.

Pineqaatissiinerit

§ 14. §§ 7, 9, 10, imm. 2 aamma 3, § 11 aamma § 12, imm. 1, naapertorlugit aalajangersakkanik, imaluunniit § 8 imm. 2-mi inerteqqummik unioqqutitsinerit akiliisitaanissamik pineqaatissinneqaataasinnaapput.

Nakkutilliineq

§ 15. Nakorsaatit pillugit peqqussummi § 25, imm. 3, oqaaseqatigiit aappaat naapertorlugu uumasut nakorsaanerat eqqartuussisumit aalajangiinertaqangitsumik nakorsaataasivinnut, nunaateqarfinnut assigisaannullu isersinnaavoq nakorsatinik uninngasuutinik nersutaatinillu misissuartorluni.

Atuutilerfia

§ 16. Nalunaarut atuutilerpoq ulloq 1. januar 2006.

Namminersornerullutik Oqartussat, ulloq 14. november 2005

Asii Chemnitz Narup

/

Søren Rendal

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviit

Naalakkersuisut

